

Nuuk, 16. marts 2015

**UPA2015/108**

**Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata nr. 7, 7. december 2009-imeersup allannguuteqartinnissaa pillugu Inatsisartut inatsisaat nr. xx, yy 2015-imeersoq (Aatsitassanut ikummatissanullu inatsit)**

**(Teknikkikkut allannguuteqartitsineq aamma maleruagassani Inatsisartut inatsisaat naapertorlugu aalajangersarneqartuni arsaarinnittarnermut inatsisitigut tunngavissaq)**

(Aningaasaqarnermut Aatsitassanullu Naalakkersuisoq)

### **Siullermeerneqarnera**

Partii Naleqqamiit una siunnersuut, teknikkikkut allannguuteqartitsinerummat aamma maleruagassani Inatsisartut inatsisaat naapertorlugu aalajangersarneqartuni arsaarinnittarnermut inatsisitigut tunngavissaammat, taamatut isikkoqartillugu tusaatissatut tiguinnarparput.

Taamaattorli Naalakkersuisunut aammalumi inatsisartunut piffissaq iluatsillugu kaammattutigerusupparput nunatsinni aatsitassarsiornerup unikaallannerata nalaani iluatsitsiniaaqulluta Aatsitassanut inatsisip nutarternissaanut. Tassanilu assorsuaq ajuusaaritigissavarput Naalakkersuisut Greenland Geological Survey-imik pilersitsiniarneq unitsimmassuk assorsuaq pissusissamisoorsorinngilarput. Uku Naalakkersuisooqatigiit aallartikkamilli allaangilaq nunatsinni qaammaassanik ilisimasanik misilittakkanillu katersuiffeqarnissaq suna tamaat tikillugu inerteqqutinngortinniarsarigaat. Tassami uagut Partii Naleqqami ilisimaarilluarparput qaammaassaqarneq tassaammat pissaaneqarfiit pingarnerit ilaat. Partiit allat qanormita tassunga isumaqarpat, sualummik Siumukkormiut isumaat allanngorsimanersoq paaserusunnarpoq.

Ukiut tamaasa nunatsinnut ilisimatusariartut miliaartip tungaanut atortarpaat, tamannali inuiaqatigiinnut iluaqutaavaa? Ilisimatusarneq maani aallaaveqartariaqarpoq, maanilu ingerlanneqarluni.

**Iluatsillugu aamma Partii Naleqqamiit eqqaarusupparput kalaaleqatitta nammineerlutik aatsitassarsiorfeeqqanik pilersitsiniarnermik periarfissaalutsitsisoqaannarnera aaqqittariaqarmat.**

2009 sioqqullugu inatsisitigut pisinnaatitaaffii massakkumut sanilliullugu  
ajornerulersinneqarnikuupput, aali ineriartortitsissagaluarluta. Pissutsit tamakku  
aaqqittariaqarpagut, pineqartut qanimut suleqatigilluinnarlugit.

Qujanaq.

Per Rosing-Petersen